

唐  
音  
統  
籤

丁籤一百五

唐音統籤卷

五百五

李涉洛陽人初與弟渤同隱廬山後應陳許辟憲  
宗時試太子通事舍人謫峽州司倉參軍太和中  
為太學博士復留康州自號清溪子有詩一卷唐  
藝文志同今編為二卷唐書孔戣傳云初中宮吐突承  
淮南監軍涉揣知上待承璫意未衰投璫言尿璫  
冤狀不可素戮知慙事効奏涉坐貶峽州李逢  
吉傳云涉為博士與裴度客故石州刺史武昭金  
吾兵曹茅秉氣候相許昭然望不用欲刺進吉事  
發昭榜瓦涉與曩皆坐流涉得康州張為作主  
客園以孟雲卿為高古與逸主以涉為入室  
五言古詩

感興

隋氏造宮闕峨峨倚雲烟搜奇竭四海立制謀千  
年秦兵半夜來烈火焚高臺萬人聚勦血一旦為  
塵埃君看汴河路尚說隋家柳但聞哭陵人秋草  
莫來久

詠古二首

大智思濟物道行心始休垂綸自濟息歲月任春  
秋紂虐武既賢風雲固可求順天行殺機所向協  
良謀况以大人思將濟安川流何勞問枯骨再取  
陰陽籌霸國不務入兵戈悲相一作相苦空含渭水跡千  
古獨悠悠

尼父未適魯歷聘倦迷津徒懷教化心紆轡不能  
伸一遇知己言萬方始噎口至今百王則孰不挹  
其源

鷓鴣詞二首

湘江烟水淡沙岸隔楓林何處鷓鴣飛日斜斑竹  
陰二女虛垂淚三閭枉自沉惟有鷓鴣啼獨傷行  
客心

越岡連越井越鳥更南飛何處鷓鴣啼多烟東嶺  
歸嶺外行人少天涯北客稀鷓鴣啼別處相對淚  
沾衣

山中

無奈牧童何放牛吃我竹隔林呼不應  
叫笑如生鹿歎報田舍翁更溪不歸屋

題清溪鬼谷先生舊居

翠壁開天地青崖列雲樹水客不可狀  
杳若清河霧常聞先生教指示秦隄路  
二子才不同逞詞過尺度偶因從吏役  
遠到冥棲處松月想攜山烟霞了如故  
未遑鍊金鼎日覺容光暮萬慮隨境生  
何由返真素寂寞天籟息清迥鳥聲曙  
迴首望重丘無期挹風取

七言古詩

牧童詞

朝牧牛，牧牛下江曲。夜牧牛，牧牛村口谷。一作度村谷  
荷鋤出林春，雨細蘆簷卧。吹沙草綠亂，揠蒿箭  
滿腰。不怕猛虎欺黃犢。

灘陽行

黃昏日暮，駟羸馬。夜宿灘陽，烽火下此地。新經殺  
戮來，墟落無烟空。碎瓦層冰塞，斷隋朝水一道銀。  
河貫千里，愁心翻覆夢難成。病僕呻吟，呼不起。泗  
水三千招義軍，本自征戰邀殊勲。十年麾下畜壯

志一旦此地為愁雲昨日太陽迴照燭轉見天心  
重含育早晚東風得發生古堤春草年年綠

六歎并序

五噫四愁九歌七啓皆創文者立意之終絕其  
數而名之也清江白雲孤山遠嶼皆得時之人  
吟咏性情耳余無暇于是焉窮居歲陰徧懷無  
悼因遙感聞見成文六篇曰六歎體其質之之  
不傷復何此與乎錄之私齊以  
示同道格韻拙歎多慙見知

其一

溪院梧桐夾金井上有螭轡青絲索美人清晝汲  
寒泉寒泉欲上銀瓶落迢迢碧甃千餘尺竟日倚  
闌空歎息惆悵不來照明鏡却掩洞房花寂寂

其二

綺幙香風翡翠車  
清明獨傍芙蓉梁  
上有雲鬟洞仙女  
垂羅掩轂烟中語  
風月頻驚苑李時  
滄波久別鴛鴦侶  
歌傳一札孤飛翼  
山長水遠無消息  
却鎖重門一院深  
半夜空庭明月色

其三

漢臣一沒丁寧塞  
收羊西顧陰沙外  
朝憑南鴈信難回  
夜望北辰心獨在  
漢家茆土橫九州  
高門長戟封王侯  
但將鍾鼓悅私愛  
肯以犬戎爲國羞  
夜寒雲卧冰雪嚴  
風觸刃懸旌節  
丁年奉使白頭還



歸泣盡李陵衣上血

其四 下缺

其五

其六

春山三竭來

釣魚竭來春日暖松溪不厭舟行緩野竹初栽碧玉長澄潭欲下青絲短昔人避世魚避世暮栖雲外魚悠々我今無事亦如此赤鯉忽到長竿頭汎汎隨波几幾里碧莎如烟沙似砥疲壁橫空怪石危山花闌日禽爭水有時帶月歸扣舷身閑自是

漁家仙

山上竭來採新茗新花亂發前山頂瓊英動搖鍾  
乳碧叢上高下隨崖巔未必蓬萊有仙藥能向鼎  
中雲漠漠越甌遙見裂鼻香欲覺身輕騎白鶴  
採藥竭來藥苗盛藥生只傍行人徑世人重耳不  
重目指似藥苗心不足野客住山三十載妻兒共  
寄浮雲外小男學語便分別已辨君臣知匹配都  
市廣長開大舖疾來求者多相悞見識韓康舊姓  
名識之不識先相怒

醉中贈崔膺

興君兄嶺匡嶺故興君相逢揚子渡白浪南分吳  
塞雲綠楊深入隋宮路隋家文物今雖改舞館歌  
臺基尚在煬帝陵邊草木深汴河流水空歸海古  
今悠悠人自別此地繁華終未歇大道青樓夾翠  
烟瓊墀翠帳開明月與君一言兩相許外舍形骸  
中爾汝揚州歌酒不可追洛神映箔湘妃語白馬  
黃金為身置誰能獨羨他人醉暫到香鑪一夕間  
能展愁眉百年事君看白日光如箭一度別來顏  
色變早謀侯印佩腰間莫遣看花髻如霰

寄河陽從事楊潛

憶昨天台尋石梁赤城枕下看扶桑金烏欲上海  
如血翠色一點蓬萊光安期先生不可見蓬萊目  
極滄海長回舟偶得風水便煙帆數夕歸瀟湘瀟  
湘水清巖嶂曲夜宿朝遊常不足一自無名身事  
閑五湖雲月偏相屬進者恐不榮退者恐不深魚  
遊鳥逝兩 雖異彼此各有遂生心身解耕耘妾  
能 織歲異飢寒免相逼稚子才年七歲餘漁樵  
一半分渠力吾友從軍在湖上腰佩吳鉤仗飛將  
偶與高山道士期西尋汴水來相訪見君顏色猶  
憔悴知君未展心中事落日驅車出孟津高顏共

歎傷心地洛邑秦城少年別兩都陳事空聞說漢  
家天子不東遊古木行宮閉煙月洛濱老翁年八  
十西望殘陽臨水泣自言生長開元中武皇思化  
親雷及當時天下無甲兵雖聞賦歛毫毛輕金車  
翠蓋滿衢路洛中歡笑爭逢迎一從戎馬來幽薊  
山谷虎狼無捍制九重宮殿開豺狼萬國生人自  
相噬蹭蹬瘡痍今不平干戈南北常縱橫中原  
膏血焦欲盡四郊貪將猶憑陵秦中豪傑爭出群  
巧將言智寬明君南山四皓不敢語渭上釣人何  
足云君不見昔時槐柳八百里路傍五月青雲起

只今零落幾株松  
枯根半死黃河水

岳陽別張祐

十年蹭蹬為逐臣  
鬢毛白盡巴江春  
鹿鳴猿嘯雖寂寞  
水蛟山魃多精神  
山瘴困中聞有赦  
死灰不望光陰借  
半夜州符喚牧童  
虛教衰病生驚怕  
巫峽洞庭千里餘  
蠻陬水國何親疎  
由來真宰不宰我  
徒勞歎者懷吹噓  
霸橋昔與張生別  
萬變桑田何處覓  
說龍蛇縱在汶泥塗  
長嚮却為鴛鴦設  
愛君氣堅風骨峭  
文章真把江淹笑  
洛下諸生懼刺先  
鳥鵲不得齊鷹鷂  
岳陽西南湖上寺  
水閣松房遍

文學新訂張生一首詩自餘吟着皆無味笑馬前  
途須努力莫學龍鍾虛嘆息

寄荊娘寫真

章華臺南莎草齊長河柳色連金堤青樓曛曉曙  
光發梨花滿蒼鷺新啼章臺玉顏年十六小來能  
唱西梁曲教坊大使久知名郢上詞人歌不足少  
年才子心相許夜上高唐夢雲雨五銖香帔結同  
心三寸紅尖替傳語綠池並戲芙蓉鴛鴦田田翠葉  
紅蓮香百年恩愛兩相許一日不見生秋腸上清  
仙女徵遊伴欲從湘靈住河漢只愁陵谷變人間

空嘆桑田歸海岸願分精魄定形影永似銀壺掛  
金井召得丹青絕世工寫真與身真相同忽然相  
對面不語疑是粧成來鏡中豈期人願天不違雲  
輶却駐從山歸畫圖封裹寄箱篋洞房艷日生光  
輝良人翻作東飛翼却遣江頭問消息經年不得  
一封書翠幙雲輶繞空壁結客有少年名總身姓  
江征帆三十里前月發豫章知我別時言識我馬  
上卽恨無羽翼飛使我徒怨滄波長開篋取畫圖  
寄我形影與客將如今憔悴不相似恐君重見生  
悲傷蒼梧九疑在何處斑斑竹淚連瀟湘



與弟渤新羅劍歌

我有神劍異人興暗中往往精靈語識者知從東  
海來來時一夜回風雨長河臨晚北斗殘秋水露  
背青螭寒昨夜大梁城下宿不借蹊蹊光著顏邊  
風蠟一作雨邊塵沙缺癰痕半是蛟龍血雷煥張華久已  
無沉寃知向何人說我有愛弟都九江一條直氣  
今無雙青光好去莫惆悵必斬長鯨須少壯

丁籤一百五李涉之二

唐音統籤卷 五百六

七言絕句

楊柳枝詞 荅成子

錦池江上柳垂橋  
風引蟬聲送寂寥  
不必如絲千萬條  
只禁離恨兩三條

竹枝歌四首

荆門灘急水潺潺  
兩岸猿啼烟滿山  
渡頭年少應官去  
月落西陵望不還

巫峽雲開神女祠  
綠潭紅樹影參差  
下牢戍口初相問  
無義灘頭剝別離

石壁千重樹萬重白雲斜掩碧芙蓉昭君溪上年  
年月獨自嬋娟色最濃  
十二峯頭月欲低空舫灘上子規啼孤舟一夜東  
歸客泣向東風憶建溪

又方輿勝覽

十二山晴花盡開楚宮殘闕對陽臺細腰爭舞  
沉醉白日秦兵天下來

山居

一從身世兩相遺往往闌門到午時想得俗流應  
大笑不知年老識便宜

長安閑作

宵分獨坐到天明  
又策羸驂信脚行  
每日除書雖滿紙  
不曾聞有介推名

別南溪二首

如雲不厭蒼梧遠  
似雁逢春又北飛  
惟有隱山溪上月  
年年相望兩依依  
常歡春氣去不回  
我今此去更難來  
欲知別後留情處  
手種閑花次第開

葦戛陵幽居

負郭依山一徑深  
萬竿如束翠沉沉  
從來愛物多

成癖辛苦移家為竹林

竹裏

事文類聚

竹裏編茅倚石門竹莖疎處見前村  
閒眠盡日無人到自有春風為掃門

硤石過敵

天網初開釋楚囚殘骸已廢自知休  
荷蓑不是人間事歸去滄江有釣舟

偶懷

轉知名宦是悠悠分付空源始到頭  
待送妻兒下山了更隨雲水一生休

奉使京西

盧龍已復西河平烽火樓邊處  
耕何事書生走羸馬原州城下又添兵

奉使淮南

漢使徵兵詔未休南行旌旆接揚州  
試上高樓望春色一年風景盡堪愁

再至長安

十年謫宦鬼方人三遇鴻恩始到秦  
今日九衢騎馬望卻疑渾是剎那身

晚過巫谷關

因韓為趙而游秦十月冰霜渡孟津縱使雞鳴遇  
關吏不知余也是何人

題武關

來往悲歡萬里心多從此路計浮沉皆緣不得空  
門要舜葬蒼梧直至今

從秦城回再題武關

遠別秦城萬里遊亂山高下入商州關門不鎖寒  
溪水一夜潺湲送客愁

題溫泉宮

能使時平四十春開元聖主得賢臣當時姚宋并

燕許盡是驪山從駕人

題連雲堡

由來天地有關扃，斷壑連山接杳冥。  
一出縱知邊上事，滿朝誰信語堪聽。

題五松驛

雲木蒼々數萬株，此中言命酌應無。  
人生不得如松樹，却過秦封作大夫。

秋夜題夷陵水館

凝碧初高海氣秋，桂輪斜月到江樓。  
三更浦上巴歌歇，歌山影沉水不流。



漢上偶題

謫仙唐世游茲郡  
花下聽歌醉眼迷  
今日漢江烟樹盡  
更無人唱白銅鞮

題湖臺

山有松門江有亭  
不勞他處問青冥  
有時帶月舁牀到  
一陣風來酒盡醒

題水月臺

平流白日無人愛  
橋上閑行若箇知  
水似晴天天似水  
兩重星點碧琉璃

登北固山亭

海繞重山江抱城  
隋家宮苑此分明  
居人不覺三吳恨  
却笑關山又戰爭

秋日過員太祝林園

望水尋山二里餘  
竹林斜到地仙居  
秋光何處堪消日  
玄晏先生滿架書

湘妃廟

斑竹林邊有古祠  
鳥啼花發盡堪悲  
當時惆悵同今日  
南北行人可得知

再游頭陀寺

無回暫泊魯陽戈  
白髮煎愁日日多  
只恐雪晴花

便盡數來山寺亦無他

遊西林寺

十地初心在此身水能生月即離塵如今再結林  
中社可羨當年會裏人

過招隱寺

每憶中林訪惠持今來正過早春時自從休去無  
心事惟向高僧說使知

題招隱寺即戴顓舊宅

西崖古樹千般色一井寒泉數丈冰欲問前朝戴  
居士野烟秋草是丘陵

題開聖寺

宿雨初收草木濃  
群鴉飛散下堂鐘  
長廊無事僧歸院  
盡日門前獨看松

題善光寺

雲門天竺舊姻緣  
臨老移家住上泉  
早到可中湏南寺  
免得翻經住幾年

題澗飲寺

百年如夢竟何成  
白髮重來此地行  
還似蕭郎許玄度  
再看庭石悟前生

再謫夷陵題長樂寺

當時謫宦向夷陵，願得身閑便作僧。  
誰知漸、因緣重，羞見長然一盞燈。

題白鹿前岩

只去都門十里強，竹陰流水遶迴廊。  
滿知車馬皆知有，每嘆同遊盡道忙。

題鶴林寺僧室

寺在鎮江

終日昏昏醉夢間，忽聞春盡強登山。  
因過竹院逢僧語，偷一作又得浮生半日閒。

題宣化寺道元上人居

二十年前不繫身，草堂曾與雪為隣。  
常思和尚當年事，

時語衣鉢留將與此人

重過文上人院

南隨越鳥北燕鴻  
松月三年別遠公  
無限心中不平事  
一宵清話又成空

逢舊二首

碧落高、雲萬重  
當時孤鶴去無蹤  
不期陵谷遷朝市  
今日遼東特地逢  
將作乘槎去不還  
便尋雲海住三山  
不知留待支機石  
却逐黃河到世間

遇湖州妓宋態真二首

紀事云涉至揚州一女子見之問之曰

宋德也故吳興劉員外全白之  
愛如劉李有昔年之分因贈詩

曾識雲仙主小時芙蓉頭上綰青絲當時驚覺高  
唐夢惟有而今宋玉知

陵陽夜會使君道解語花枝出眼前一一作從明  
月西沉海不見嫦娥二十年

### 廬山得元侍御書

慚君知我命龍鍾一紙書來竟萬重正着白衣尋  
古寺忽然却遞到雲峯

### 雙峯寺得舍弟書

暫入松門拜祖師殷勤再讀塔前碑回頭忽見潯

陽使太守如今是惠持

過襄陽上于司空頌

方城漢水舊城池陵谷依然世自移歌馬獨來尋

故事進人惟說峴山碑

謝疊山以于鎮襄陽詩刻借羊祜之仁為襄陽所思

者以詞婉而妙今細味之恐無他意亦頌德當時語耳

邠州詞獻高尚書三首

單于都護再分疆西引雙旌出帝鄉朝日詔書添

戰馬即聞千騎取河湟

將家難立是威聲不見多傳衛霍名一自元和

蜀後馬頭行處即長城



朔方忠義舊來聞盡是邠城父子軍今日兵符歸  
上將旄頭不用更妖氛

興梧州劉中丞

一代虛龍將相家五分符竹到天涯瘴山江上重  
相見醉裏同看豈翬花

奉宣慰司魚十四郎

年纔二十衆知名孤鶴儀容徹骨清口傳天語來  
人世卻逐祥雲上玉京

訓彭伉

公孫閣裏見君初衣錦南歸二十餘莫嘆屈聲猶

未展同年今日在中書

酬舉生許過山居

琉璃潭上斷秋月清淨泉中智慧珠不是本宗疎  
二教許過雲壑訪潛夫

和尚書舅見寄

欲隨流水去幽棲喜伴歸雲入虎谿  
深謝陳蕃憐寂寞遠飛芳字警沉迷

奉和九兄渤見寄絕句

史稱渤為弟即渤詩亦然此似誤

忽啓新臧迤近詩詩中韻出碧雲詞且喜涉因愁  
已散登舟只恨渡江遲

贈道器法師

永作形容雪作眉  
早知談論西川知  
如今不用空  
求佛但把令狐宰相詩

贈龍泉洞塵上人

八十山僧眼未昏  
獨尋流水到窮源  
自言共得龍  
神語擬作茅菴住洞門

贈廖道士

膏以明煎信矣哉  
二年人世不歸來  
庭前為報僊  
桃樹今歲花時好  
開

贈長安小主人

上清真子玉童顏花態嬌羞月思閑仙路迷人應  
有街桃源不必在溪山

贈友人孩子

驪龍領下亦生珠便與人間衆寶殊他時若要追  
風日須得君家萬里駒

贈夜客

涉嘗過九江至皖口過蓋問何人從  
昔曰李海士也其豪首曰若足李涉  
博士不用剽奪久聞詩名願題一篇足矣  
涉遂題此絕贈之一云宿井欄砂過夜客  
范攄雲溪友談云李景微堂客趙陶越至  
循州冒雨求宿或指昔氏莊居韋氏校廢  
池客耳八十餘自稱曰郢人韋思明留之  
累夕談論諸家之作次及李涉主入醉稱  
善已而慨然變色曰老身弱齡不肖遊浪  
江湖為不平事後遇之蒙簡我詩感而詮

跡隱此經今一紀矣李紀云亡追惋持觴  
而酌興業征各舉涉他詩數篇別去乾符  
辛丑據客雲川  
乘征所述也

暮雨蕭蕭江上村綠林豪客夜知聞他時不用相  
迴避世上如今半似君

贈田玉卿

長安里巷舊鄰居未解梳頭五歲餘今朝嫁得風  
流婿歌舞閑時看讀書

寄峽州韋郎中

年過五十髻如絲不必前程更問師幸得休州樂  
克化楚山溪處最相宜

經涇州館寄使府諸公

涇州水竹十家餘  
漁艇蓬門對岸居  
大勝城中走鞍馬  
與他軍府判文書

春晚遊鶴林寺寄使府諸公

野寺尋春花已遲  
背岩唯有兩三枝  
明朝攜酒猶堪賞  
為報春風且莫吹

早春霽後發頭陀寺寄院中

紅樓金剎倚晴岡  
雨雪初收望漢陽  
草檄可中能  
有暇迎春一醉也無妨

寄趙準乞湘川山居

閑說班超有孺居山橫水曲占商於知君不用璫  
谿石乞取終年獨釣魚

謫康州先寄兄渤

惟將直道信蒼天可料無名抵憲章陰陽卻應先  
有謂已教鴻雁早隨陽

京口送朱畫之淮南寄妓人

西行客淚愁中落萬樹山花雨裏殘君到揚州見  
桃葉為傳風水渡江難

送楊敬之倖河南

久嗟塵匣掩青萍見說除書試一聽聞君卻作長

沙傳便逐秋風過洞庭

送孫克天赴舉

自說軒皇息戰威  
萬方無復事戎衣  
卻教孫子藏兵術  
空把文章向禮闈

送顏覺赴舉

顏子將才應四科  
料量時輩更誰過  
居然一片荆山玉  
可怕無人是卞和

送魏簡能東遊二首

獻賦論兵命未通  
卻乘羸馬出秦中  
一作去關東灞陵原

上重回首十載長安似夢中



燕市悲歌又送君  
目隨征鴈過寒雲  
孤亭宿處時有劍  
莫使塵埃蔽斗文

送王六觀巢縣叔父二首

巢岸南分戰馬山  
水雲程盡到東關  
絃歌自是君家事  
莫怪今來一邑閑  
長憶山陰舊會時  
王家兄弟盡相隨  
老來放逐瀟湘路  
滴淚秋風引獻之

山居送僧

夫意因休便買山  
白雲深處寄柴關  
若逢城邑人相問  
報道花時也不閑

送妻入道

人無回意似波瀾  
琴有離聲為一彈  
從使空門再相見  
還如秋月水中看

哭田布

魏師臨陣卻抽營  
誰管豺狼作信兵  
縱使將軍能伏劍  
何人島上哭田橫

看射柳枝

玉靶朱弦勅賜弓  
新加二斗得秋風  
萬人齊看翻金勒  
百步穿楊逐箭空

晚泊潤州聞角

江

一作孤

城

吹

角

水

范

曲

一作風

引

邊

聲

一作怨

思

長驚起暮天沙上鴈海門斜去兩三行

### 聽隣女吟

含情遙夜幾人知  
閑詠風流小謝詩  
還似霓旌下  
烟露月邊吹  
落上清詞

### 聽多美唱歌

黃鸝慢轉引秋蟬  
銜斷行雲直入天  
一曲梁州聽  
初了為君別  
唱想夫憐

### 聽歌

蛾眉先飛梁上塵  
朱脣不動翠眉顰  
願得春風吹

更遠直教愁殺滿城人

謝王連州送海陽圖

謝家為郡實風流  
畫得青山寄楚囚  
驚起艸堂寒氣晚  
海陽潮水到荅頭

中秋夜君山臺望月

大隄花裏錦江前  
詩酒同遊四十年  
不料中秋最明夜  
洞庭湖上見當天

題蘇仙宅枯松

幾年蒼翠在仙家  
一旦枝枯類海槎  
不如酸澁棠梨樹  
卻占高城獨放花

頭陀寺看竹

寺前新笋已成竿  
紫馬重來獨自看  
可惜斑皮空滿地  
無人解取作頭冠

題宇文秀才櫻桃

風光莫占少年家  
白髮殷勤最戀花  
今日顛狂任君笑  
起愁得醉恨麻茶

木蘭花

碧落真人著紫衣  
始堪相並木蘭枝  
今朝統郭花看遍  
盡是溪村田舍兒

黃葵花

此花莫遣俗人看  
新染鵝黃色未乾  
好逐秋風上天去  
紫陽宮女要頭冠

山花

六出花開赤玉盤  
當中紅濕耐春寒  
長安若有五侯宅  
誰肯將錢買牡丹

失題

華表千年一鶴歸  
丹砂為頂雪為衣  
冷然仙語人初聽  
却向五雲翻處飛

滕王閣上唱伊州  
二十年前向此游  
半是半非君莫問  
西山長在水長流

丁叢一百六

唐音統籤卷五百七

陸暢字達夫吳郡人元和元年登進士第為皇太

子僚屬後官鳳翔少尹集一卷唐志無宋志有

語多差誤人以為劇初娶董溪女每旦婢進澡豆

暢輒沃水服之或曰君為貴門女壻幾多樂事陸

曰貴門若禮法御予食辣麵殆不可過暢初為

江西王仲舒從事拂衣去後客韋臯雅所厚禮臯

傳云始天寶時李白為蜀道難萬以斥嚴武暢更

為蜀道易以美臯臯朝廷欲追絕其咎不與臯

者誠所進兵器皆鏤定秦字暢上言臣

向在蜀知定秦者匿名也由是譏息

雲安公主下降奉詔作催粧詩順宗女下嫁

雲安公主貴出嫁五侯天母親調粉日見憐賜

舉暢為賓相詩  
皆頃刻而成

花催鋪百子帳待障七香車借問粧成未東方欲  
曉霞

又儷相詩六首

催粧

天上瓊花不避秋今宵織女嫁牽牛萬人惟待乘  
鸞出乞巧齊登明月樓

少妝銀粉飾金鈿端正天花貴自然聞道禁中時  
節異九秋香滿鏡臺前

坐障

白一作玉為竿丁字成黃金繡帶短長輕一作爲綉帶



聲短長

強遮天上花顏色不敢雲中笑語聲

簾

勞將素手捲蠟鬚環室流光更綴珠玉漏報來過

半夜可憐潘岳立踟躕

一作真珠文織桂簾端錦羅旌千萬早把玉鉤

和月卷神仙  
愁怕水精寒

暗

玳玉編金次第平花紋隱起踏無聲幾重便上華

堂裏得見天人吹鳳笙

扇

寶扇持來入禁宮本教花下動香風嫦娥須逐彩

雲降不可通宵在月中

解內人嘲

時內人以楊監門道莫使吳飲入漢宮

楊到之云云六宮大哈別賜

粉面仙郎選聖朝偶逢秦女學吹簫須教翡翠聞

王母不奈鳥鳶噪鵲橋

山出雲

靈山蓄雲彩紛郁出清晨望樹繁花白看峰小雪  
新映松張蓋影依澗布魚鱗高似從龍處低如鰲  
石頻濃光藏半袖淺色類飄塵玉葉開天際遙憐  
占早春

對雪

怪得北風急前庭如月暉  
天人寧底許一作巧剪水作花飛

聞早蟬

落日早蟬急客心聞更愁  
一聲來枕上夢裏故園秋

別劉端公

連騎出都門秋蟬噪高柳  
落日辭故人自醉不關酒

長安新晴

九重溪淺人不知金殿玉樓倚朝日一夜城中新  
雨晴御溝流得宮花出

新晴愛月

野性平生唯愛月新晴半夜觀嬋娟起來自辟紗  
窗一作書破教落清光落枕邊

下第後病中

獻玉頻年命未通寤秋成病悟真空笑看朝市趨  
名者不病那知在病中

疾愈步庭花下

赤紅李白覺春歸強步閑庭力尚微從困不扶靈

壽杖恐驚花裏早鶯飛

太子劉舍人邀看花

年少風流七品官  
朱衣白馬冶遊盤  
負心不報春  
光主幾處偷看紅牡丹

遊城東王駙馬亭

城外無塵水間松  
秋天木落見山容  
共尋蕭史江  
亭去一望終南紫閣峯

題獨孤少府園林

四面青山是四隣  
烟霞成伴草成茵  
年年洞口桃  
花發不記曾經迷幾人

籌筆店江亭

九折巖邊下馬行  
江亭暫歇聽江聲  
白雲綠樹不關說  
枉與樵人樂一生

望毛女峯

我種東峯千葉蓮  
此峯毛女始求仙  
今朝暗算當時事  
已是人間七萬年

題商山廟

商洛秦時四老翁  
人傳羽化此山空  
若無仙眼何由見  
總在廟前花洞中

題自然觀

劍閣門西第一峯道 成道有高蹤行人若上升  
仙處須撥白雲三四重

題悟公禪堂

臨壇付法十三春家本長城 下人芸閣少年應  
不識南山鈔主是前身

夜到泗州酬崔使君

徐城洪盡到淮頭月裏山河見泗州聞道泗濱清  
廟磬雅聲今在謝家樓

宿陝府北樓奉酬崔大夫二首

樓壓黃河山湍湍風清水涼誰忍卧人定軍中禁

漏傳不妨秋月城頭暹

一別朱門三四春再來應笑尚風塵昨宵惟有樓  
前月識是謝公詩酒人

贈賀若少府

十日廣陵城裏住聽君花下撫金徽新聲指上懷  
中紙莫怪潛偷數曲歸

陝州逢竇華同宿寄江陵韋協律

共出丘門歲九霜相逢悽愴對離觴荆南為報章  
從事一宿同眠御史床

出藍田關寄董使君



萬里烟蘿錦帳開  
雲迎水送度藍關  
七盤九折難行處  
盡是龔黃界外山

成都贈別席夔

不值分流二江水  
定應猶得且同行  
三千里外情  
人別更被子規啼  
教聲

送崔員外使回入京

六星宮裏一星歸  
行到金鉤近紫微  
侍史別來經  
歲月今宵應夢護  
香衣

成都送別費冠卿

紅椒花落桂花開  
萬里同遊俱未迴  
莫厭客中頻

送客思鄉獨上望鄉臺

送獨孤秀才下第歸太白山

逸翮暫時成落羽將歸太白賞靈蹤須尋最近碧霄處擬倩和雲買一峯

送李山人歸山

來從千山萬山裏歸向千山萬山去山中白雲千萬重卻望人間不知處

送溪上人歸江南

留得蓮花偶付誰獨攜金策欲歸時江南無限蕭家事曾與白雲何處期

薔薇花

錦窠花朵然叢醉翠葉眉桐裏露垂莫引美人來  
架下恐驚紅片落燕支

句

蜀道易易于履平地  
暢蜀道易篇  
徑存此首句

蟬噪入雲樹

風開無主花

崔諫議  
亭

丁籤一百七

唐音統籤卷 五百八

劉珣字希仁慕孟軻為文因以名本沛人少為僧  
復求黃老之術隱廬山元和末登進士第終洛州  
刺史精儒術有吏才韓愈白居易嘗稱之文一卷  
宋志亡今存詩一篇

王聲如樂

玉叩能旋止人言與樂并繁音忽已闕一作雅韻  
訕然清珮想停仙步泉疑咽夜聲曲終無異聽響  
極有餘情特達知難擬玲瓏豈易名崑山如可得  
一片作為榮

丁籤一百八

李約字存博河公勉之子識度清曠迥出塵表元

和中仕至兵部員外郎詩一卷唐志無宋志有

遠有山林之致在湖州得古鐵一片擊之清越又

養一孫名山公月夜泛江登金山鼓琴猿必嘯和

曾佐庶人李尉幕至金陵屢請招隱寺標致一日遊

庶人宴寺中明日謂曰子堂稱招隱之致昨日遊

宴何珠州中約曰某所賞者殊野耳若遠山將翠

幕適古松用雜物棄臚醺浣鹿跑泉吾衆亂山鳥聲

此則寔不如在叔父大廳也州又嗜茶能自煎曰

茶須緩火炙活火煎法火炭火有焰者曾奉使行

陝州硤石縣東受藥水清流旬日忘疲梁武造寺

令蕭子雲題白大書一蕭字約自江淮竭產致歸

洛中運于小亭既曰蕭齋

城南訪裴氏昆季

相思起中夜風駕訪柴荆早霧染柘隱曉光豁澗  
明村蹊蒿棘間往往斷新耕貧野烟火微晝無鳥  
鷺聲田頭逢餉人道君南山行南山千萬峯盡是  
相思情野老無拜揖村童多髯形相呼者車馬顏  
色喜相驚荒圃雞豚樂兩牆禾莠生欲君知我來  
壁上空書名

從軍行三首

看圖開教陣畫地靜論邊烏壘天西戍鷹姿塞上  
川路長惟算月書遠每題年無復生還望翻思未  
別前

柵壕

一作高

三面關箭盡舉烽頻營柳和烟暮關榆

帶雪春邊城多老將磧路少歸人殺盡金

一作盡

河卒年上添塞塵

候火起雕

同興

城塵沙擁戰聲遶軍藏漢幟降騎

說番情霜落漉池淺

一作薄

秋高太白明嫵姚方

虎視不學請添兵

### 歲日感懷

曙氣變東風蟾壺夜漏窮新春幾人老舊曆四時  
空身賤悲添歲家貧喜過冬稱觴惟有感歡度在  
兒童

贈韋况

尚書故事云約與主客員外張詠同官二人匡時靜言每遇旦不寐人莫

得知故約贈韋微君况詩云云韋賄東避世不婦娶不治生業約亦與之厚者

我有心中事不向韋三說秋夜洛陽城明月照張

八

### 江南春

池塘春暖水紋開隄柳垂絲間野桺江上年七芳  
意早蓬瀛春色逐朝來

### 觀祈雨

桑條無葉土生烟簫鼓迎龍水廟前來門幾處看  
歌舞猶悲春陰咽管絃



過華清宮

君王遊樂萬幾輕一曲霓裳四海兵玉輦升天人  
已盡故宮唯有樹長生

病中宿宜陽館聞雨

難眠夏夜抵秋賒簾幔深垂寃燭斜風吹桐竹更  
蕉雨白髮病人心到家

丁籤一百九

費冠卿字子軍池州人登元和二年進士第會母  
卒嘆曰千祿養親耳得祿而親喪何以祿為遂歸  
隱九華山長慶中殿院李行修舉其孝行以右拾

遺召不赴集一卷

唐志無宋志有制詞曰前進士賢

據言載拾遺

借以文中第祿不及于崇

卷帳每積于永懷遂乃

屏身丘園絕迹仕進守其志

朋清標自遠夫旌孝行舉

志州十有五其厚風俗而敦

名教也其承高獎以敬薄夫懼參迨侍之榮載行

移忠之數

### 京師感懷

螢燭不為苦求名始辛酸上國無交親請謁多少  
難九月風到面羞汗成冰片求名侯公道名與公  
道遠力盡得一名他喜我且慙家書十年絕歸去  
知誰榮馬嘶渭橋柳特地起愁聲

### 桂樹藤

本為獨立難寄彼高樹枝蔓衍數條遠溟濛千朵  
垂向日助成陰當風籍持危誰言柔可屈坐見蟠  
蛟螭

枕流石

不為幽崖隱古色涵空出願以清泚流鑒此堅貞  
看傍臨玉光潤時瀉苔花密往往驚游鱗尚疑垂  
釣日

秋日興冷然上人寺莊觀稼

世人縱獲、獨自愛身閑美景當新霽隨僧過遠  
山村橋出秋稼空翠落澄灣惟有中林犬猶應望

我遂

答蕭建問九華山

自地上青峯緣崖一萬重  
踐危顚側足登壑半齊  
胸飛欲喘攀桂遊人喘  
倚松入林寒瘁上近瀑雨  
濛上徑滑石稜上寺開  
山掌中燭花撲淨地臺殿  
印晴空勝境層上別高僧  
院上逢潛魚候洗鉢老  
猿戲揔鐘外戶憑雲檢中  
厨課水春搜泥時和  
麴拾橡半添種渡壑緣槎  
際持燈入洞窮夾天開  
壁峭透石巖波雄濶鵲清  
無上潭深碧有龍畚田  
一片淨谷樹萬林濃野客  
登臨慣山房幽寂同寒

爐樹提火夏牖竹梢風邊鄙疇賢相黔黎託聖躬  
君能棄名利歲晏一相逢

閑居卽事

生計惟將三尺童學它賢者隱牆東照眠夜後多  
因月掃地春來祇藉風幾處江旗驅戰士一園青  
艸伴衰翁子房仙去孔明死更有何人解指踪

酬范中丞見惠

花宮柳陌正從行紫袂金鞍問姓名戰國方須禮  
平木康時何必重侯嬴捧將東帛山僮喜傳示銀

鉤邑客驚有為雲泥相去遠一言知己殺身輕

題中峰

中峯高柱沃寥天上有茅齋與石泉晴景獵人曾  
望見青藍色裏一僧傳

以拾遺召不起賦詩

君親同是先王道何如骨肉一處老也知臣子合  
佐時自古榮華誰可保

徵拜拾遺書情

拾遺帝側知難得官繁才微恐不勝好是中朝絕  
親友九華山下詔來徵

三千里外一微臣二十年來任運身今日忽蒙天  
子召自懸壺動國中人

丁籤一百十

唐音統籤卷五百九

施肩吾字希聖睦州人

紀事云洪州人誤張籍送肩吾詩世業偏曉七里瀨

可元和十年登進士第慕仙跡隱豫章西山為詩

奇麗有西山集十卷

唐宋志同通攷云五卷有自序云二十年辛若烟集

松月之下或時學龜息飲而不食賜胃無滓形神益清見天地六合之與凡奇此異哉閩乎心目者銳思一披皆落我文字細中今編為三卷

以西山乃十二真仙羽化之所心慕之因卜隱有詩云若歎西山得道者連余便是十三人

云肩吾字希聖睦州人得道者連余便是十三人

大行于世今亦亡宋黃伯思攷肩吾集云肩吾詩無慮五百篇陳情所序後六十二篇雖倍云情書而尚虧元本五之四可為證歟茲補黃本為多

五言古詩



及第後過揚子江

集為取作主客圖  
廣錄黃馮京渡江詩同末

二

憶昔將貢士抱愁此江邊  
魚龍互閃鑠白浪高于天  
今日步青草還來經此道  
江袖也世情為我風色好

七言古詩

長安春夜吟

露盤滴時河漢微  
美人燈下裁春衣  
蟾蜍東去鵲南飛  
芸香省中郎不歸

效古體

黃金無舊釵。綉綺無舊裾。惟有一寸心。長貯萬里  
夫。南軒夜蟲織。已促北牖飛蛾遶殘燭。祇言衆口  
鑠千黃。一作金誰信獨愁銷片玉。不知歲晚歸不歸。  
又將淚眼縫征衣。

### 夜宴詞

蘭缸如畫買不眠。玉堂衣起沉香烟。青娥一行十  
二仙。欲笑不笑桃花然。碧牕弄嬌粧洗晚。戶外不  
知銀漢轉。被卽嗔。蜀琉璃盞酒入四支紅玉軟。

### 古別離

古人謾歌西飛燕。十年不見狂夫面。三更風作切

夢刀萬轉愁成縈腸線所嗟不及牛女星一年一度得相見

老母別爰子少妻送征郎血流既四面乃亦斷二腸不愁寒無衣不怕飢無糧惟恐征戰不還鄉母化為鬼妻為孀

### 壯士行

一斗之膽撐臟腑如螺之筋碎臂骨有時候入千人叢自覺一身橫突兀當今四海無烟塵冑襟被壓不得伸凍泉殘蠶我不取污我匣裏青蛇鱗

### 五言排律

早春殘雪

春景照林巒玲瓏雪影殘井泉添碧麓藥圃洗朱  
欄雲路迷初醒書堂映漸難花分梅嶺色塵減玉  
堦寒遠稱棲松鶴高宜點露盤佇逢春律後陰谷  
始堪看

七言律詩

代征婦怨

寒牕羞見影相隨嫁得五陵輕薄兒長短艷歌君  
自解淺淡更漏弄偏知西裙多淚鴛鴦濕雲鬢慵  
梳玳瑁垂何事不看霜雪裏堅貞惟有古松枝

上禮部侍郎陳情

九重城裏無親識八百人中獨姓施  
弱羽飛時攢箭險蹇驢行處薄冰危  
晴天欲照盆難反貧女如花鏡不知  
却向從來受恩地再求青律變南枝

贈邊將

輕生奉國不為難戰苦身多舊箭瘢  
玉匣鎮龍麟甲冷金鈴襯骨羽毛寒  
皂貂擁出花當背白馬騎來月在鞍  
猶恐犬戎臨虜塞柳營時把陣圖看

送人南遊

見說南遊偏不易中途莫忘寄書頻  
凌空瘴氣墮

飛鳥解語山魃惱病人閩縣綠娥能引客泉州烏  
藥好防身異花奇竹分明看待汝歸來画取真

送端上人遊天台

師今欲向天台去來說天台意最真溪過石橋為  
險處路逢毛褐是真人雲邊望寺鐘聲遠雪裏尋  
僧腳迹新只可且論經夏別莫教琪樹西回春

五言絕句

古相思

十訪九不見甚于菑蒲花可憐雲中月今夜墮我  
家

湘竹詞

萬古湘江竹無窮奈怨何年年長春筍只是淚痕多

定情樂二首

敢嗟君不憐自是命不諧著破三條裙却還雙股釵  
感卽渡條脫新破八幅絹不惜榆莢錢買人金步搖

不見來詞

烏鵲語千回黃昏不見來漫教脂粉匣閉了又重

開

夜起來

香銷連理帶塵覆合歡杯懶卧相思枕愁吟夜起來

夜愁曲

歌者歌未絕愁人結轉增空把琅玕枝強挑無心燈

感遇詞

一種兒如僊人情要自偏羅敷有底好最得使君

憐



笑卿詞

笑向卿、道就書夜、多出來看玉兔又欲過銀河

乞巧詞

乞巧望星河、並綺羅不嫌針眼小只道月明多

買地詞

買地不惜錢為多芳桂業所期在清涼坐起聞香風

幼女詞

幼女纔六歲未知巧與拙向夜在堂前學人拜新月

雜古詞五首

可憐江北女慣唱江南曲搖蕩木蘭舟渡兒不成浴

卽為已上香妻作籠下灰歸時卽一作相暖熱去罷生塵埃

夜裁鴛鴦綺朝織蒲桃綾欲試一寸心待縫三尺冰

憐時魚得水怨罷商與參不如山梔子卻能解一作解

結同心

紅顏感莫花  
白日同流水  
思君若孤燈  
一夜一心死

衛夜行

夜行無月時  
古路多荒榛  
山鬼遙把火  
自照不照人

秋山吟

夜吟秋山上  
裊々秋風歸  
月色清且冷  
桂香落人衣

幽居樂

萬籟不在耳寂寥心境清無妨數莖竹時有蕭  
聲

寒夜

三復招隱吟不知寒夜深看  
心  
上西來月移到青天

今尺石

南昌府志

丹砂盡頑石黃金橫一尺人世較短長仙家愛平  
直

瀑布

豁開青冥顚瀉出萬丈泉如裁一條素白日懸秋

天

惜花

落盡萬株紅無人解繫風今朝苦經裏惆悵錦機  
空

及第後夜訪月仙子

自喜尋幽夜新當及第耳還將天上桂來訪月中  
仙

觀花後遊慈恩寺

世事知難了應須問空羞將看花眼來入梵王  
宮

秋洞宿

夜深秋洞裏風雨報龍歸何事觸人睡不教蝴蝶  
飛

宿南一上人山房

牕牖月色多坐卧禪心靜青鬼夾試人夜深弄燈  
影

蘭渚泊

家在洞水西身作蘭渚客天盡無纖雲獨坐空江  
碧

湘川懷古

湘水終日流湘妃昔時哭美色已成塵淚痕猶在竹

弋陽訪古

行逢葛谿水不見葛仙人空拋青竹杖呪作葛陂神

經吳真君舊宅

古仙煉丹處不測何歲年至今空宅基時有五色烟